

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-7-1268/15
Sarajevo, 19. novembar 2015. godine

Z A P I S N I K

Četvrte sjednice Doma naroda Parlamenta Federacije Bosne i Hercegovine, održane 29. oktobra i 19. novembra 2015. godine

Sjednica je počela u 11 sati i 28 minuta.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila prisutne delegate, predstavnike medija, goste iz međunarodne zajednice, a posebno potpredsjednicu Federacije Bosne i Hercegovine, Meliku Mahmutbegović, potpredsjednika Federacije Bosne i Hercegovine, Milana Dunovića, zamjenicu premijera Vlade Federacije BiH, Jelku Miličević i prisutne ministre. Predsjedavajuća je pozvala prisutne delegate da aplauzom pozdrave novoizabrane ministre u Vladi Federacije Bosne i Hercegovine.

Izostanak sa sjednice najavili su: Ana Babić, Drago Puzigaća i Amor Mašović.

Na osnovu evidencije Stručne službe, predsjedavajuća je konstatovala da sjednici prisustvuju 42 delagata, što čini većinu, te Dom naroda može raditi i punovažno odlučivati.

Prije prelaska na rad, predsjedavajuća je dala na glasanje Zapisnik Pete vanredne sjednice Doma naroda Parlamenta Federacije održane 30. septembra 2015. godine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH jednoglasno, s 38 glasova, za bez primjedbi, usvojio Zapisnik Pete vanredne sjednice Doma naroda Parlamenta Federacije BiH održane 30. septembra 2015.godine.

Predsjedavajuća je zamolila delegate da, zbog ranije preuzetih obaveza, današnja sjednica Doma naroda Parlamenta Federacije Bosne i Hercegovine završi u 14 sati, a sljedeću redovnu sjednicu najavila je za 19. novembar.

U ime Kolegija Doma naroda predsjedavajuća je uputila saučešće Pravoslavnoj crkvi u Bosni i Hercegovini povodom smrti mitropolita Nikola Dabrobosanskog.

Predsjedavajuća Doma naroda, na osnovu člana 104. Poslovnika o radu Doma naroda Parlamenta Federacije BiH, pozvala je delegate da, ukoliko žele, postavе delegatska pitanja i pokrenu inicijative.

Delegatska pitanja i inicijative

Aner Žuljević pokrenuo je dvije delegatske inicijative. Prva inicijativa odnosi se na izmjenu Uredbe o načinu gotovinskog plaćanja u odnosu na koju je Vlada izvršila određene izmjene. Uz ovu inicijativu priložene su i dvije uredbe, jedna iz Republike Hrvatske, a druga iz Srbije, u kojima je na bolji način regulisano plaćanje obaveza iz blagajne.

Druga delegatska inicijativa vezana je za stavljanje van snage Odluke Vlade Federacije o osnivanju privrednog društva Intera broj:115/2015. od 27. augusta 2015. godine, uz obrazloženje zašto je neophodno to uraditi.

Mirvet Beganović pokrenuo je inicijativu i postavio delegatsko pitanje.

Inicijativu je podnio Vladi Federacije, a odnosi se na Prijedlog zakona o dopuni Zakona o federalnim ministarstvima i drugim tijelima federalne uprave. Riječ je o izmjenama Zakona radi dodavanja nove stavke u članu 24. iza tačke 9., odnosno dodaje se tačka koja glasi: Federalni zavod za sudsku i forenzičku medicinu. S obzirom da je sjednica prekinuta o ovoj tački nije se raspravljalo, te je ista ostavljena za narednu sjednicu. Inicijativu je podnio s ciljem da Vlada u što kraćem roku dostavi ovaj zakon u u parlamentarnu proceduru.

Delegatsko pitanje upućeno je Federalnoj direkciji cesta. Pitao je kada će Federalna direkcija izvršiti sanaciju magistralnog puta M42 u naselju Puškari, općina Cazin, gdje je zbog klizišta u funkciji samo jedna saobraćajna traka.

Tomislav Mandić pokrenuo je jednu inicijativu koja se odnosi na izmjenu i dopunu Zakona o zdravstvenoj zaštiti Federacije BiH. S obzirom da je riječ o tehničkoj grešci, kojom su fizioterapeuti izostavljeni iz ovog Zakona, predložio je da se u članu 2.2.1., iz stava 1., tačke 7., „Komora diplomiranih inženjera svih profila briše tačka doda:“, i iza nje doda tačka 8. koja glasi: „Komora fizioterapeuta, a koja već postoji registrovana na Općinskom sudu u Mostaru, broj rješenja TT0178/11 od 28. marta 2011. i TT0394/14 od 26. maja 2014. godine.“

Segmedina Srna Bajramović pokrenula je inicijativu za izmjenu člana 1. Zakona o izmjenama i dopunama Zakona o posredovanju u zapošljavanju i socijalnoj sigurnosti nezaposlenih osoba, i to da se stav koji glasi: "Osobe iz stava 1. tačka a i f smatrat će se nezaposlenim ukoliko njihov prihod ne prelazi mjesečno 25% prosječne plaće u toku prethodne godine, prema podacima Federalnog zavoda za statistiku", mijenja se glasi: "Osobe iz stava 1. tačka a i f smatrat će se nezaposlenim ukoliko

njihov prihod ne prelazi mjesečno 40% prosječne plaće u toku prethodne godine, prema podacima Federalnog zavoda za statistiku."

Vesna Saradžić postavila je dva izaslanička pitanja.

Prvo pitanje je vezano za trend odlaska iz naše zemlje. Pitanje za Vladu Federacije glasi: Da li ste svjesni trenutne situacije i shodno tome da li je u planu strategija ili radite na strategiji kako bi se ublažio ovaj rastući trend ili je, kako mnogi mladi kažu, jedini izlaz granični prijelaz?

Drugo pitanje upućeno je Ministarstvu poljoprivrede, šumarstva i vodoprivrede Hercegovačko-neretvanskog kantona, vezano za donošenje zakona kojim će se regulisati oblast šumarstva na nivou Federacije Bosne i Hercegovine.

Osman Ćatić u ime Kluba Bošnjaka uputio je sljedeću inicijativu: Klub delegata Bošnjačkog naroda u Domu naroda Parlamenta Federacije Bosne i Hercegovine predlaže Domu naroda Parlamenta Federacije Bosne i Hercegovine da zaduži Vladu Federacije Bosne i Hercegovine, odnosno resorna ministarstva, da prilikom dostavljanja Prijedloga zakona, kada izmjene i dopune obuhvataju više od 40% ostalog teksta propisa ili kada je dopunjavanjem najmanje tri puta, pri čemu je otežano praćenje teksta i sadržaja propisa u prelaznim i završnim odredbama, predvidi utvrđivanje, odnosno izradu prečišćenog teksta toga propisa, a u skladu sa pravilima i postupcima zakon i drugih propisa Federacije Bosne i Hercegovine (" Službene novine Federacije Bosne i Hercegovine", broj 71/14).

Draženka Subašić pokrenula je inicijativu koja se odnosi na Pravilnik o načinu obavljanja obavezne dezinfekcije, dezinfekcije, deratizacije u Federaciji Bosni i Hercegovini, u ime ogranka ugostitelja pri udruženju privrednika Zeničko-dobojskog kantona.

Kao delegatkinja Doma naroda, zatražila je od Vlade Federacije Bosne i Hercegovine da što ranije sačini i donese novi pravilnik o načinu obavljanja obavezne dezinfekcije, dezinfekcije, deratizacije u Federaciji, odnosno da se postojeći Pravilnik stavi van snage.

Da se preispita odgovornost svih osoba koje su učestvovala u donošenju ovog Pravilnika, i da se ova oblast nanovo i konačno uredi i uskladi sa podzakonskim aktima, u skladu sa Evropskom, i praksom zemalja iz okruženja u ovoj oblasti.

Slobodan Tomić uputio je delegatsko pitanje Federalnom Javnom Radio TV Servisu - S obzirom da grad Široki Brijeg ispunjava sve uslove da bi se mogao naći na meterološkoj karti Federaciji, zašto još uvijek nije uvršten na meterološkoj karti?

Drugo pitanje uputio je predsjedavajućoj Doma naroda Parlamenta Federacije Bosne i Hercegovine, a ono glasi: Zašto već treći mandat u Skupštini Zapadnohercegovačkog kantona nema potpredsjedavajućeg Skupštine?

Utvrđivanje dnevnog reda

Predsjedavajuća je obavijestila delegate da je Vlada Federacije Bosne i Hercegovine dostavila sljedeće prijedloge zakona sa prijedlogom da se razmatraju po hitnom postupku:

1. Prijedlog zakona o dopuni Zakona o Poreznoj upravi Federacije Bosne i Hercegovine - hitni postupak,
2. Prijedlog zakona o izmjeni i dopuni Zakona o električnoj energiji u Federaciji Bosne i Hercegovine - hitni postupak.

Pozvala je delegate da se izjasne o ovom prijedlogu.

Na osnovu rezultata glasanja predsjedavajuća Doma naroda je konstatovala je da je Dom naroda Parlamenta Federacije Bosne i Hercegovine sa:

- 37 glasova za, sedam glasova protiv i dva suzdržana glasa prihvatio da se Prijedlog zakona o dopuni zakona o Poreznoj upravi Federacije Bosne i Hercegovine razmatra po hitnom postupku,
- 28 glasova za, 16 glasova protiv i bez suzdržanih glasova prihvatio da se Prijedlog Zakona o izmjenama i dopunama Zakona o električnoj energiji u Federaciji Bosne i Hercegovine razmatra po hitnom postupku.

Predsjedavajuća je predložila izbor članova iz Doma naroda u Zajedničku komisiju za usaglašavanje Prijedloga zakona o izmjenama i dopunama Zakona o državnoj službi u Federaciji Bosne i Hercegovine, koji je razmatran po proceduri za vitalni nacionalni interes.

Predsjedavajuća je obavijestila delegate da je Predstavnički dom na Trećoj sjednici, održanoj 28. oktobra 2015. godine, donio odluku kojom su u Zajedničku komisiju za usaglašavanje akata razmatranih po proceduri za vitalni interes iz Predstavničkog doma izabrani Salmir Kaplan, Dario Knezović, Nasir Beganović, Davor Vuletić, Mira Ljubijankić, Selim Halilović i Jusuf Bubica, te je pozvala predstavnike klubova delegata konstitutivnih naroda i predstavnike delagata ostalih da predlože članove u ovu Zajedničku komisiju.

Klubovi delegata konstitutivnih naroda i predstavnici delegata iz reda ostalih predložili su da se u ovu Komisiju izaberu: Lidija Bradara, Tomislav Martinović, Slaviša Šućur, Drago Puzigaća, Osman Čatić, Jasenko Tufekčić i Emir Frašto.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH sa 37 glasova za i 2 suzdržana glasa donio odluku kojom su u Zajedničku komisiju za usaglašavanje akata razmatranih po proceduri za vitalni interes iz Doma naroda izabrani: Lidija

Bradara, Tomislav Martinović, Slaviša Šućur, Drago Puzigaća, Osman Ćatić, Jasenko Tufekčić i Emir Frašto.

Ukoliko Komisija ne postigne saglasnost oko Prijedloga zakona o izmjeni i dopuni zakona u državnoj službi u FBiH, ovo pitanje će biti proslijeđeno Vijeću za zaštitu vitalnog interesa pri Ustavnom sudu FBiH radi donošenja konačne odluke da li se ovo pitanje odnosi na vitalni interes konstitutivnog srpskog naroda.

Kolegij doma naroda Parlamenta FBiH predložio je da u dnevni red Četvrte sjednice, kao prva tačka dnevnog reda bude uvrštena tačka Izbor i imenovanja u okviru koje bi razmatrali:

- Prijedlog odluke o izboru predsjednika i zamjenika predsjednika Parlamentarne komisije odgovorne za reviziju,
- Izbor članova u Zajedničku radnu grupu komisija za izbor i imenovanja oba doma Parlamenta Federacije Bosne i Hercegovine.

Također, Kolegij Doma naroda predložio je da kao tačke šest i sedam budu uvrštene:

- Informacija o aktivnostima na izboru strateškog partnera za finansiranje i izgradnju Termoelektrane Banovići, Blok 1-350 MW u periodu od 27.8.2015. godine do 12.10.2015. godine, pripremljenu od strane RMU „Banovići“ d.d. Banovići,
- Prijedlog odluke o prihvatanju zaduženja po Sporazumu o zajmu između Bosne i Hercegovine i OPEC Fonda za međunarodni razvoj (OFID) za realizaciju Projekta Koridor Vc (24 miliona eura),
- Prijedlog odluke o prihvatanju zaduženja po Sporazumu o zajmu između Bosne i Hercegovine i OPEC Fonda za međunarodni razvoj (OFID) za realizaciju Projekta Koridor Vc (48 miliona dolara).

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH sa 37 glasova za, dva suzdržana i četiri glasa protiv, prihvatio da u dnevni red budu uvrštene predložene tačke.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH sa 36 glasova za, šest protiv i dva suzdržana glasa usvojio sljedeći

DNEVNI RED

1. Izbor i imenovanja:

- Prijedlog odluke o izboru predsjednika i zamjenika predsjednika Parlamentarne komisije odgovorne za reviziju
- Izbor članova u Zajedničku radnu grupu komisija za izbor i imenovanja oba doma Parlamenta Federacije Bosne i Hercegovine,

2. Prijedlog zakona o dopuni Zakona o Poreznoj upravi Federacije Bosne i Hercegovine - hitni postupak,

3. Prijedlog zakona o izmjeni i dopuni Zakona o električnoj energiji u Federaciji Bosne i Hercegovine - hitni postupak,
4. Nacrt zakona o finansijskom poslovanju,
5. Nacrt zakona o jedinstvenom Registru korisnika gotovinskih naknada na koje se ne uplaćuju doprinosi,
6. Informacija o aktivnostima na izboru strateškog partnera za finansiranje i izgradnju Termoelektrane Banovići, Blok 1-350 MW u periodu od 27.8.2015. godine do 12.10.2015. godine, pripremljenu od strane RMU „Banovići“ d.d. Banovići,
7. Prijedlog odluke o prihvatanju zaduženja po Sporazumu o zajmu između Bosne i Hercegovine i OPEC Fonda za međunarodni razvoj (OFID) za realizaciju Projekta Koridor Vc (24 miliona eura),
Prijedlog odluke o prihvatanju zaduženja po Sporazumu o zajmu između Bosne i Hercegovine i OPEC Fonda za međunarodni razvoj (OFID) za realizaciju Projekta Koridor Vc (48 miliona dolara),
8. Izvještaj o rezultatima aktivnosti Institucije ombudsmana za ljudska prava Bosne i Hercegovine za 2014.godinu,
9. Izvještaj Visokog sudskog i tužilačkog vijeća Bosne i Hercegovine za 2014. godinu,
10. Izvještaj o zaduženju Federacije Bosne i Hercegovine po osnovu emisije trezorskih zapisa na dan 16.6.2015.godine,
11. Izvještaj o zaduženju Federacije Bosne i Hercegovine po osnovu emisije trezorskih zapisa na dan 7.7.2015.godine,
12. Izvještaj o zaduženju Federacije Bosne i Hercegovine po osnovu emisije trezorskih zapisa na dan 21.7.2015.godine,
13. Izvještaj o zaduženju Federacije Bosne i Hercegovine po osnovu emisije obveznica na dan 18.8.2015.godine,
14. Izvještaj o radu i poslovanju Javnog preduzeća Elektroprivreda „HZ HB“ d.d. Mostar za 2014. godinu,
14. Izvještaj o radu Federalnog zavoda za zapošljavanje za 2014. godinu,
16. Izvještaj o radu Komisije za koncesije Federacije Bosne i Hercegovine za 2014. godinu,

- 17. Izvještaj o radu i poslovanju Javnog preduzeća „Elektroprivreda BiH“ d.d. Sarajevo za 2014. godinu,
- 18. Izvještaj o radu i poslovanju „BH Gas“ d.o.o. Sarajevo za 2014. godinu,
- 19. Izvještaj o radu Federalnog pravobranilaštva za 2014. godinu,
- 20. Informacija o stanju sigurnosti na području Federacije BiH za period januar - juni 2015. godine.

1. Izbor i imenovanja:

- **Prijedlog odluke o izboru predsjednika i zamjenika predsjednika Parlamentarne komisije odgovorne za reviziju**
- **Izbor članova u Zajedničku radnu grupu komisija za izbor i imenovanja oba doma Parlamenta Federacije Bosne i Hercegovine**

Na osnovu tačke 3. Odluke o formiranju Parlamentarne komisije odgovorne za reviziju Parlament Federacije bira predsjednika i zamjenika predsjednika Parlamentarne komisije odgovorne za reviziju. Komisija za izbor i imenovanja Doma naroda sačinila je izvještaj i prijedlog odluke kojim je za predsjednicu ove komisije predložila Lidiju Bradaru, a za zamjenika Kasima Mulalića

Predstavnički dom, na Sedmoj vanrednoj sjednici 31. jula 2015. godine, usvojio je izvještaj Komisije za izbor i imenovanja Predstavničkog doma, i prihvatio zaključak kojim su iz ove Komisije u zajedničku radnu grupu komisija za izbor i imenovanje oba doma Parlamenta FBiH izabrani: Mladen Bošković, Safet Kešo i Mensur Borović.

Komisija za izbor i imenovanja Doma naroda predložila je zaključak da iz Komisije za izbor i imenovanja Doma naroda u zajedničku radnu grupu budu izabrani: Tomislav Martinović, Daliborka Milović i Refik Poparić.

U raspravi niko nije učestvovao.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH, sa 36 glasova za, sedam protiv i dva suzdržana glasa, donio odluku o izboru predsjednika i zamjenika predsjednika Parlamentarne komisije odgovorne za reviziju, kojom je za predsjednicu Komisije izabrana Lidija Bradara, a za njenog zamjenika Kasim Mulalić.

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH, sa 32 glasa za, sedam protiv i sedam suzdržanih, prihvatio izvještaj Komisije za izbor i imenovanja Doma naroda, i u Zajedničku radnu grupu komisija za izbor i imenovanje oba doma Parlamenta FBiH iz Doma naroda izabrao: Tomislava Martinovića, Daliborku Milović i Refika Poparića.

2. Prijedlog zakona o dopuni Zakona o Poreznoj upravi Federacije Bosne i Hercegovine - hitni postupak

Prijedlog Zakona utvrdila je Vlada Federacije BiH.

Predstavnički dom je na Osmoj vanrednoj sjednici 9.10.2015. godine usvojio Prijedlog zakona u tekstu kako ga je predložila Vlada Federacije.

Prijedlog zakona razmatrala su nadležna radna tijela koja su dostavila svoje izvještaje.

U ime Odbora za ekonomsku i razvojnu politiku, finansije i budžet Doma naroda, izvještaje je obrazložio Muhamed Kozadra, predsjednik Odbora. Tom prilikom pročitao je zaključak koji je predložio Odbor.

U raspravi je učestvovao Mirvet Beganović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 38 glasova za, dva suzdržana i četiri glasa protiv, usvojio Prijedlog zakona o dopuni Zakona o Poreznoj upravi Federacije Bosne i Hercegovine u tekstu kako ga je predložila Vlada Federacije.

Zatim, na glasanje je stavila zaključak koji je predložio Odbor za ekonomsku i razvojnu politiku, finansije i budžet Doma naroda i konstatovala da je Dom naroda sa 39 glasova za, četiri glasa protiv i četiri suzdržana glasa usvojio sljedeći

ZAKLJUČAK

Dom naroda Palamenta Federacije Bosne i Hercegovine traži od Vlade Federacije Bosne i Hercegovine da, u što kraćem roku, predloži izmjenu Zakona o finansijskoj konsolidaciji privrednih društava u Federaciji Bosne i Hercegovine („Službene novine Federacije BiH“, broj 52/14) u smislu roka datog za konsolidiranje, a sve s ciljem usklađivanja sa rokovima pokriva ostvarenog deficitima iz prethodnih godina predviđenim Zakonom o budžetima u Federaciji Bosne i Hercegovine.

3. Prijedlog zakona o izmjeni i dopuni Zakona o električnoj energiji u Federaciji Bosne i Hercegovine - hitni postupak

Prijedlog Zakona utvrdila je Vlada Federacije BiH.

Predstavnički dom je na 10. Vanrednoj sjednici 23.10.2015. godine usvojio Prijedlog zakona u tekstu kako ga je predložila Vlada Federacije.

Prijedlog zakona razmatrala su nadležna radna tijela koja su dostavila svoje izvještaje.

Prijedlog zakona obrazložio je Stipe Buljan, predstavnik Federalnog ministarstva energije, rudarstva i industrije.

U raspravi su učestvovali: Aner Žuljević, Lejla Didik-Sarajlić, Tomislav Martinović, Predrag Kojović i Osman Ćatić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, s 28 glasova za, tri suzdržana i 16 glasova protiv, usvojio Prijedlog zakona o izmjeni i dopuni Zakona o električnoj energiji u Federaciji Bosne i Hercegovine u tekstu kako ga je predložila Vlada Federacije.

Budući da je Aner Žuljević, uz podršku dva delegata, izrazio sumnju u rezultate glasanja, pristupilo se poimeničnom glasanju koje je obavio sekretar Doma naroda Izmir Hadžićević.

Na osnovu rezultata poimeničnog glasanja, predsjedavajuća je konstatovala da Dom naroda Parlamenta Federacije BiH **nije usvojio** Prijedlog zakona o izmjeni i dopuni Zakona o električnoj energiji u Federaciji Bosne i Hercegovine, s obzirom da je 26 delegata glasalo za, 16 je bilo protiv, i pet suzdržano.

4. Nacrt zakona o finansijskom poslovanju

Nacrt Zakona utvrdila je Vlada Federacije.

Predstavnički dom u nastavku 30. sjednice 4.6.2014. godine razmatrao je Nacrt ovog zakona i Zaključkom ga prihvatio. Tom prilikom, Nacrt ovog zakona stavljen je na javnu raspravu.

Nacrt zakona razmatrala su nadležna radna tijela koja su dostavila svoje izvještaje.

U raspravi su učestvovali: Admir Hadžićević, Tomislav Martinović i Mirvet Beganović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, s 39 glasova za i dva glasa protiv usvojio slijedeći

ZAKLJUČAK

1. Dom naroda prihvata Nacrt zakona o finansijskom poslovanju i smatra da može poslužiti kao osnov za izradu prijedloga zakona.
2. Zadužuje se Vlada Federacije Bosne i Hercegovine da organizuje i provede javnu raspravu u trajanju od 90 dana.
3. Zadužuje se Vlada Federacije Bosne i Hercegovine da, prilikom izrade prijedloga zakona, ima u vidu sugestije, primjedbe i prijedloge iznesene na sjednici Doma naroda kao i one iznesene u javnoj raspravi.

5. Nacrt zakona o jedinstvenom Registru korisnika gotovinskih naknada na koje se ne uplaćuju doprinosi

Nacrt zakona utvrdila je Vlada Federacije.

Predstavnički dom u nastavku 31. sjednice od 8.7.2014. godine razmatrao je Nacrt ovog zakona i Zaključkom ga prihvatio.

Nacrt zakona razmatrala su nadležna radna tijela koja su dostavila svoje izvještaje.

U raspravi je učestvovao Aner Žuljević.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, s 36 glasova za i tri glasa protiv usvojio slijedeći

ZAKLJUČAK

1. Dom naroda prihvata Nacrt zakona o jedinstvenom registru korisnika gotovinskih naknada na koje se ne uplaćuju doprinosi i smatra da može poslužiti kao osnov za izradu prijedloga zakona.
2. Zadužuje se Vlada Federacije Bosne i Hercegovine da, prilikom izrade prijedloga zakona, ima u vidu sugestije, primjedbe i prijedloge iznesene na sjednici Doma naroda

6. Informacija o aktivnostima na izboru strateškog partnera za finansiranje i izgradnju Termoelektrane Banovići, Blok 1-350 MW u periodu od 27.8.2015. godine do 12.10.2015. godine, pripremljenu od strane RMU „Banovići“ d.d. Banovići

Informaciju je pripremio RMU „Banovići“ d.d. Banovići i dostavio Vladi Federacije radi razmatranja. Vlada Federacije razmotrila je Informaciju i dostavila je Parlamentu Federacije s Prijedlogom zaključka.

Predstavnički dom na Trećoj sjednici 28.10.2015. godine razmatrao je Informaciju i usvojio Zaključak.

Informaciju je obrazložio Stipe Buljan, predstavnik Federalnog ministarstva energije, rudarstva i industrije.

Nije bilo zainteresovanih za raspravu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, s 33 glasa za i tri glasa protiv usvojio slijedeći

ZAKLJUČAK

1. Dom naroda Parlamenta Federacije Bosne i Hercegovine prihvata Informaciju o aktivnostima na izboru strateškog partnera za finansiranje i izgradnju Termoelektrane Banovići, Blok 1-350 MW u periodu od 27.08.2015. godine do 12.10.2015. godine, pripremljenu od strane RMU „Banovići“ d.d. Banovići.
2. Dom naroda Parlamenta Federacije Bosne i Hercegovine daje saglasnost na predloženi:
 - 2.1. Sporazum o strateškoj saradnji između RMU „Banovići“ d.d. Banovići i Kompanije Dongfang Electric Corporation Limited iz Kine, Broj: 1349/15 od 12.10.2015. godine (u daljem tekstu Sporazum) i
 - 2.2. Ugovor o inženjeringu, nabavi i izgradnji (EPC Ugovor po sistemu „ključ u ruke“) za Termoelektranu Banovići, Blok 1-350 MW između RMU „Banovići“ d.d. Banovići i Kompanije Dongfang Electric Corporation Limited iz Kine, broj: 1350/15 od 12.10.2015. godine (u daljnjem tekstu: EPC Ugovor).
 - Dongfang Electric Corporation Limited –DEC Kina
3. Dom naroda Parlamenta Federacije Bosne i Hercegovine daje saglasnost na aktivnosti definisane tačkom II. Zaključka Vlade Federacije Bosne i Hercegovine, V.broj: 1434/2015 od 22. oktobra 2015. godine, koji je donijela Vlada Federacije Bosne i Hercegovine na

svojoj 28. sjednici održanoj 22.10.2015. godine i koji čini sastavni dio ovog zaključka.

4. Dom naroda Parlamenta Federacije Bosne i Hercegovine obavezuje Vladu Federacije Bosne i Hercegovine da redovno informiše Parlament Federacije Bosne i Hercegovine o provedbi aktivnosti iz tačke 3. ovog zaključka, te da pravovremeno dostavi Parlamentu Federacije Bosne i Hercegovine na razmatranje odgovarajuće dokumente i akte uključujući i potrebne ugovore radi davanja saglasnosti ili donošenja odgovarajućih odluka, u skladu sa važećim zakonima.
5. Konačan izbor strateškog partnera za finansiranje i izgradnju Termoelektrane Banovići, Blok 1-350 MW obavit će se tek nakon saglasnosti Vlade Federacije Bosne i Hercegovine i Parlamenta Federacije Bosne i Hercegovine uz obavezu donošenja odluke Skupštine društva RMU „Banovići“ d.d. Banovići o davanju saglasnosti na konačni prijedlog izbora strateškog partnera za finansiranje i izgradnju Termoelektrane Banovići, Blok 1-350 MW .

**7. Prijedlog odluke o prihvatanju zaduženja po Sporazumu o zajmu između BiH i OPEC Fonda za međunarodni razvoj (OFID) za realizaciju Projekta Koridor Vc (24 miliona eura)
Prijedlog odluke o prihvatanju zaduženja po Sporazumu o zajmu između BiH i OPEC Fonda za međunarodni razvoj (OFID) za realizaciju Projekta Koridor Vc (48 miliona dolara)**

Prijedloge odluka utvrdila je Vlada Federacije i dostavila Parlamentu Federacije radi razmatranja i donošenja. Uz prijedloge odluka dostavljeni su i materijali vezani za iste.

Prijedloge odluka razmatrala su nadležna radna tijela koja su dostavila svoje izvještaje.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, s 39 glasova za, dva protiv i dva suzdržana, donio Odluku o prihvatanju zaduženja po Sporazumu o zajmu između BiH i OPEC Fonda za međunarodni razvoj (OFID) za realizaciju Projekta Koridor Vc (24 miliona eura).

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, s 35 glasova za, dva protiv i dva suzdržana, donio Odluku o prihvatanju zaduženja po Sporazumu o zajmu između BiH i OPEC Fonda za međunarodni razvoj (OFID) za realizaciju Projekta Koridor Vc (48 miliona dolara).

8. Izvještaj o rezultatima aktivnosti Institucije ombudsmena za ljudska prava Bosne i Hercegovine za 2014. godinu

Na osnovu čl. 10. i 34. Zakona o ombudsmenu za ljudska prava Bosne i Hercegovine, Institucija ombudsmena za ljudska prava dostavila je izvještaj radi razmatranja.

Izvještaj su razmatrala nadležna radna tijela koja su dostavila svoje izvještaje.

U ime Komisije za zaštitu ljudskih prava i sloboda Doma naroda, izvještaj je obrazložio Edim Fejzić, predsjednik Komisije.

Segmedina Srna Bajramović pokrenula je inicijativu za održavanje tematske sjednice na temu ljudskih prava u Federaciji Bosne i Hercegovine, s posebnim naglaskom na problem porodiljnih naknada, odnosno zaštitu majke i materinstva na području Federacije Bosne i Hercegovine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, s 33 glasa za i jednim glasom protiv, prihvatio Izvještaj o rezultatima aktivnosti Institucije ombudsmena za ljudska prava Bosne i Hercegovine za 2014. godinu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, s 34 glasa za i jednim suzdržanim, prihvatio Inicijativu Segmedine Srne Bajramović, te usvojio sljedeći

ZAKLJUČAK

Obavezuje se Dom naroda Parlamenta Federacije da u program rada Doma naroda za 2016. godinu uvrsti održavanje tematske sjednice na temu ljudskih prava u Federaciji Bosne i Hercegovine, s posebnim naglaskom na stanje porodiljnih naknada, odnosno zaštite majke i materinstva na području Federacije Bosne i Hercegovine.

9. Izvještaj Visokog sudskog i tužilačkog vijeća Bosne i Hercegovine za 2014. godinu

Visoko sudsko i tužilačko vijeće Bosne i Hercegovine je, na osnovu Zakona o Visokom sudskom i tužilačkom vijeću Bosne i Hercegovine, dostavilo Parlamentu Federacije Izvještaj za 2014. godinu.

Izvještaj je obrazložio Milan Tegeltija, predsjednik Visokog sudskog i tužilačkog vijeća Bosne i Hercegovine.

U raspravi su učestvovali: Admir Hadžipašić, Željko Mirković, Jasenko Tufekčić, Mirko Batinić i Lidija Bradara.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH **nije prihvatio** Izvještaj Visokog sudskog i tužilačkog vijeća Bosne i Hercegovine za 2014. godinu, budući da je za glasalo deset delegata, 18 protiv i 17 suzdržano.

Predsjedavajuća je prekinula sjednicu i najavila nastavak za 19. novembar 2015. godine.

Sjednica je prekinuta u 14 sati.

Nastavak Četvrte sjednice, 19. novembar 2015. godine

Sjednica je počela u 11 sati i 50 minuta.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozvala prisutne da minutom šutnje izraze saučešće porodicama Nedeljka Radića i Amira Salkića, pripadnika Oružanih snaga Bosne i Hercegovine, koji su noć prije ubijeni u Rajlovcu. Takođe, predsjedavajuća je pozvala prisutne da minutom šutnje izraze saučešće žrtvama terorističkog napada u Parizu.

Predsjedavajuća je, zatim, pozvala ministra unutrašnjih poslova FBiH, Aljošu Čamparu, da informiše Dom naroda o događajima o Rajlovcu i o poduzetim mjerama.

Nakon obraćanja federalnog ministra unutrašnjih poslova, predsjedavajuća je pozdravila prisutne delegate, predstavnike medija, goste iz međunarodne zajednice, a posebno potpredsjednicu Federacije Bosne i Hercegovine, Meliku Mahmutbegović, potpredsjednika Federacije Bosne i Hercegovine, Milana Dunovića, i prisutne ministre.

Izostanak sa sjednice najavio je Slaviša Šućur.

Na osnovu evidencije Stručne službe, predsjedavajuća je konstatovala da sjednici prisustvuje 50 delegata, što čini većinu, te Dom naroda može raditi i punovažno odlučivati.

Predsjedavajuća je obavijestila delegate da u Stručnoj službi mogu preuzeti Vodič kroz sukob interesa u Bosni i Hercegovini - Teorija, legislativa i praksa.

Također, predsjedavajuća je obavijestila delegate da je Centralna izborna komisija Bosne i Hercegovine obavijestila Dom naroda da je dodijelila mandat Dariju Pušiću, sljedećem kvalifikovanom kandidatu iz reda hrvatskog naroda iz Hercegovačko - neretvanskog kantona, budući da je Davoru Peharu prestao mandat. Kolegij Doma naroda predlaže da se u dnevni red današnje sjednice uvrsti tačka - Verifikacija mandata delegatu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, s 39 glasova za, četiri suzdržana i dva glasa protiv, prihvatio da se u dnevni red uvrsti tačka - Verifikacija mandata delegatu.

Slobodan Tomić obrazložio je izvještaj Mandatno - imunitetske komisije.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, s 43 glasa za, jednim suzdržanim i jednim protiv, usvojio izvještaj Mandatno - imunitetske komisije i time verificirao mandat delegatu Dariju Pušiću, nakon čega je Dario Pušić dao svečanu zakletvu.

Predsjedavajuća je obavijestila delegate da je Kolegij Doma naroda predložio da tačka 20 - Informacija o stanju sigurnosti na području Federacije BiH za period januar - juni 2015. godine – bude skinuta sa **dnevnoga reda** i vraćena predlagачu, da bi sačinio informaciju o stanju sigurnosti na području Federacije Bosne i Hercegovine za period januar - decembar 2015. godine, koju bi Dom razmatrao na nekoj od narednih sjednica.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, s 41 glasom za, dva suzdržana i pet glasova protiv, prihvatio ovaj prijedlog Kolegija.

Predsjedavajuća je podsjetila delegate o preostalim tačkama dnevnog reda i prešla na rad.

10. Izvještaj o zaduženju Federacije Bosne i Hercegovine po osnovu emisije trezorskih zapisa na dan 16.6.2015. godine

Vlada Federacije Bosne i Hercegovine dostavila je, radi informisanja, Parlamentu Federacije 3.7. .2015.godine Izvještaj o zaduženju Federacije Bosne i Hercegovine po osnovu emisije trezorskih zapisa koje je Vlada Federacije usvojila 2 7.2015. godine.

Predstavnički dom na Četvrtoj sjednici 17.11.2015. godine primio je k znanju ovaj Izvještaj.

Izveštaj su razmatrala nadležna radna tijela, koja su dostavila svoje izvještaje.

U raspravi nije niko učestvovao.

S obzirom da se radi o materijalu koji je dostavljen Parlamentu Federacije radi informisanja, predsjedavajuća je konstatovala da je Dom naroda Parlamenta Federacije **primio k znanju** Izvještaj o zaduženju Federacije Bosne i Hercegovine po osnovu emisije trezorskih zapisa koje je Vlada Federacije usvojila 2. 7. 2015. godine.

11. Izvještaj o zaduženju Federacije Bosne i Hercegovine po osnovu emisije trezorskih zapisa na dan 7.7.2015. godine

Vlada Federacije Bosne i Hercegovine dostavila je, radi informisanja, Parlamentu Federacije 27. 7.2015. godine Izvještaj o zaduženju Federacije Bosne i Hercegovine po osnovu emisije trezorskih zapisa koje je Vlada Federacije usvojila 23.7.2015. godine.

Predstavnički dom na Četvrtoj sjednici 17.11.2015. godine primio je k znanju ovaj Izvještaj.

Izveštaj su razmatrala nadležna radna tijela, koja su dostavila svoje izvještaje.

U raspravi nije niko učestvovao.

S obzirom da se radi o materijalu koji je dostavljen Parlamentu Federacije radi informisanja, predsjedavajuća je konstatovala da je Dom naroda Parlamenta Federacije **primio k znanju** Izvještaj o zaduženju Federacije Bosne i Hercegovine po osnovu emisije trezorskih zapisa koje je Vlada Federacije usvojila 23.7.2015. godine.

12. Izvještaj o zaduženju Federacije Bosne i Hercegovine po osnovu emisije trezorskih zapisa na dan 21.7.2015.godine

Vlada Federacije Bosne i Hercegovine dostavila je, radi informisanja, Parlamentu Federacije 16.9.2015. godine Izvještaj o zaduženju Federacije Bosne i Hercegovine po osnovu emisije obveznica koje je Vlada Federacije usvojila 20.8.2015. godine.

Predstavnički dom na Četvrtoj sjednici 17.11.2015. godine primio je k znanju ovaj Izvještaj.

Izveštaj su razmatrala nadležna radna tijela, koja su dostavila svoja izvještaje.

U raspravi nije niko učestvovao.

S obzirom da se radi o materijalu koji je dostavljen Parlamentu Federacije radi informisanja, predsjedavajuća je konstatovala da je Dom naroda Parlamenta Federacije **primio k znanju** Izveštaj o zaduženju Federacije Bosne i Hercegovine po osnovu emisije trezorskih zapisa koje je Vlada Federacije usvojila 20.8.2015. godine.

13. Izveštaj o zaduženju Federacije Bosne i Hercegovine po osnovu emisije obveznica na dan 18.8.2015. godine

Vlada Federacije Bosne i Hercegovine dostavila je, radi informisanja, Parlamentu Federacije 31. 8.2015.godine Izveštaj o zaduženju Federacije Bosne i Hercegovine po osnovu emisije obveznica koje je Vlada Federacije usvojila 27. 8.2015. godine.

Predstavnički dom na Četvrtoj sjednici 17.11.2015. godine primio je k znanju ovaj Izveštaj.

Izveštaj su razmatrala nadležna radna tijela, koja su dostavila svoje izvještaje.

U raspravi nije niko učestvovao.

S obzirom da se radi o materijalu koji je dostavljen Parlamentu Federacije radi informisanja, konstatiram da je Dom naroda Parlamenta Federacije **primio k znanju** Izveštaj o zaduženju Federacije Bosne i Hercegovine po osnovu emisije obveznica na dan 18.8.2015.godine

14. Izveštaj o radu i poslovanju Javnog preduzeća Elektroprivreda „HZ HB“ d.d. Mostar za 2014. godinu

Na osnovu člana 6., stav 2. Zakona o javnim preduzećima („Sl. novine Federacije BiH“ br.8/5, 81/08, 22/09 i 109/12), predviđeno je da Skupština podnosi Parlamentu Federacije Bosne i Hercegovine svoj godišnji Izveštaj.

Izveštaj je obrazložio Ante Tutiš, predstavnik Elektroprivrede „HZ HB“ d.d. Mostar.

U raspravi su učestvovali: predsjednik Kluba delegata hrvatskog naroda, Tomislav Martinović, Jasenko Tufekčić, Aner Žuljević, Mirvet Beganović i Muhamed Kozadra.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH **nije prihvatio** Izvještaj o radu i poslovanju Javnog preduzeća Elektroprivreda "HZ HB" d.d. Mostar za 2014. godinu, budući da je bilo osam glasova za, 12 suzdržanih i 23 protiv.

Predsjedavajuća je stavila na glasanje zaključak koji je predložio Jasenko Tufekčić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 36 glasova za i četiri suzdržana, usvojio sljedeći

ZAKLJUČAK

Zadužuju se Javno preduzeće „Elektroprivreda BiH“ d.d. Sarajevo i Javno preduzeće Elektroprivreda HZ HB d.d. Mostar da, prilikom dostavljanja izvještaja o radu i poslovanju za 2015. godinu u parlamentarnu proceduru, uz ove izvještaje dostave i nacionalnu strukturu zaposlenih u ovim preduzećima u proteklih 15 godina.

Zatim je predsjedavajuća stavila na glasanje zaključak koji je predložio predsjednik Kluba delegata hrvatskog naroda, Tomislav Martinović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 30 glasova za, dva protiv i pet suzdržanih, usvojio sljedeći

ZAKLJUČAK

Traži se od Parlamentarne komisije odgovorne za reviziju da zaduži Ured za reviziju institucija u Federaciji Bosne i Hercegovine da sačini izvještaj o izvršenoj reviziji o poslovanju Javnog preduzeća „Elektroprivreda HZ HB“ d.d. Mostar za protekle tri godine.

Predsjedavajuća je stavila na glasanje zaključke koje je predložio Odbor za privredu Doma naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 36 glasova za, jednim protiv i dva suzdržana, usvojio sljedeći

ZAKLJUČAK

1. Zaduguje se Vlada Federacije Bosne i Hercegovine i nadležno ministarstvo da zajedno sa Upravom društva pristupi fer procjeni vrijednosti nekretnina, postrojenja i opreme s obzirom da je posljednja procjena izvršena na dan 31. decembra 2004. godine.

2. Zadužuje se Vlada Federacije Bosne i Hercegovine i nadležno ministarstvo da preuzmu aktivnosti za naplatu potraživanja od kupaca koji su u vlasništvu Vlade Federacije Bosne i Hercegovine.
3. Zadužuje se Vlada Federacije Bosne i Hercegovine da zajedno sa nadležnim ministarstvom i upravom Javnog preduzeća definiraju realne cijene električne energije ili je subvencioniraju ako ta cijena nije realna.

15.Izveštaj o radu Federalnog zavoda za zapošljavanje za 2014. godinu

Izveštaj je usvojila Vlada Federacije BiH.

Predstavnički dom Parlamenta Federacije obavijestio je Dom naroda Parlamenta Federacije da je u nastavku Treće sjednice 28.10.2015. godine razmatrao i prihvatio Izveštaj o radu Federalnog zavoda za zapošljavanje za 2014.godinu.

Izveštaj su razmatrala nadležna radna tijela, čije ste izvještaje dobili.

Izveštaj je obrazložio predstavnik Federalnog zavoda za zapošljavanje.

U raspravi su učestvovali: Željko Mirković, Mustafa Kurtović, Admir Hadžipašić i predstavnik Federalnog zavoda za zapošljavanje.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 31 glasom za, jednim protiv i četiri suzdržana, usvojio sljedeći

ZAKLJUČAK

Dom naroda Parlamenta Federacije Bosne i Hercegovine **prihvata** Izveštaj o radu Federalnog zavoda za zapošljavanje za 2014.godinu.

16.Izveštaj o radu Komisije za koncesije Federacije Bosne i Hercegovine za 2014. godinu

Na osnovu članova 15. i 18. Zakona o koncesijama, Komisija za koncesije Federacije Bosne i Hercegovine podnijela je Izveštaj o radu Vladi Federacije BiH. Vlada Federacije BiH prihvatila je Izveštaj i dostavila ga Parlamentu Federacije BiH radi razmatranja i usvajanja.

Predstavnički dom Parlamenta Federacije obavijestio je Dom naroda Parlamenta Federacije da je u nastavku Treće sjednici 28.10.2015. godine

razmatrao Izvještaj o radu Komisije za koncesije Federacije Bosne i Hercegovine za 2014. godinu. Tom prilikom usvojeni su i zaključci.

Izvještaj su razmatrala nadležna radna tijela čije ste izvještaje dobili.

Izvještaj je obrazložio Šefik Koričić, predstavnik Komisije za koncesije Federacije Bosne i Hercegovine.

U raspravi su učestvovali: Željko Mirković i Osman Ćatić, predsjednik Kluba delegata bošnjačkog naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 34 glasa za, tri protiv i dva suzdržana, usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine usvaja Izvještaj o radu Komisije za koncesije Federacije Bosne i Hercegovine za 2014. godinu.

2. Zadužuje se Vlada Federacije Bosne i Hercegovine da hitno pristupi izradi Prijedloga zakona o izmjenama i dopunama Zakona o koncesijama te da isti, u roku od 60 dana, uputi u parlamentarnu proceduru.

3. Zadužuje se Vlada Federacije Bosne i Hercegovine, odnosno resorna ministarstva, da sačine registar dobara iz svoje nadležnosti, a koja mogu biti predmetom koncesije, te da ih dostave Komisiji ili Parlamentu Federacije Bosne i Hercegovine na uvid radi daljnjeg praćenja cjelokupnog procesa.

17. Izvještaj o radu i poslovanju Javnog preduzeća „Elektroprivreda BiH“ d.d. Sarajevo za 2014. godinu

Na osnovu člana 6. stav 2. Zakona o javnim preduzećima („Sl. novine Federacije BiH“ br. 8/5, 81/08, 22/09 i 109/12), predviđeno je da Skupština podnosi Parlamentu Federacije Bosne i Hercegovine svoj godišnji Izvještaj.

Predstavnički dom Parlamenta Federacije obavijestio je Dom naroda Parlamenta Federacije da je u nastavku Treće sjednici 28.10.2015. godine razmatrao i prihvatio Izvještaj o radu i poslovanju JP „Elektroprivreda BiH“ d.d. Sarajevo za 2014. godinu.

Izvještaj su razmatrala nadležna radna tijela, čije ste izvještaje dobili.

Izvještaj je obrazložio Emir Mulić, rukovodilac Sektora za planiranje, izvještavanje i analizu pri Direkciji Elektroprivrede BiH.

U raspravi su učestvovali: Mirvet Beganović, Osman Ćatić, predsjednik Kluba delegata bošnjačkog naroda, Rasim Kantarević, Mustafa Kurtović, Jasenko Tufekčić, Lidija Bradara, Željko Mirković, Admir Hadžipašić, Aner Žuljević i Emir Mulić.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH **nije prihvatio** Izvještaj o radu i poslovanju Javnog preduzeća „Elektroprivreda BiH“ d.d. Sarajevo za 2014. godinu, s obzirom da je za glasalo 13 delegata, osam je bilo suzdržano, a 22 protiv.

U vezi toga, Dom naroda usvojio je sljedeći

ZAKLJUČAK

Zadužuje se Javno preduzeće „Elektroprivreda BiH“ d.d. Sarajevo da, prilikom dostavljanja Izvještaja o radu i poslovanju za 2015. godinu u parlamentarnu proceduru, uz ovaj izvještaj dostavi i nacionalnu strukturu zaposlenih u Javnom preduzeću „Elektroprivreda BiH“ d.d. Sarajevo u proteklih 15 godina.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, na prijedlog Kolegija Doma naroda, sa 35 glasova za, četiri protiv i tri uzdržana, usvojio sljedeći

ZAKLJUČAK

Zadužuje se Kolegij Doma naroda Parlamenta Federacije Bosne i Hercegovine da, zajedno sa Vladom Federacije Bosne i Hercegovine, Javnim preduzećem Elektroprivreda „HZ HB“ d.d. Mostar, Javnim preduzećem „Elektroprivreda BiH“ d.d. Sarajevo i Regulatornom komisijom za energiju u Federaciji Bosne i Hercegovine, u decembru 2015. godine organizuje tematsku sjednicu: „Stanje u elektroenergetskom sektoru s prijedlogom mjera“.

18.Izvještaj o radu i poslovanju „BH Gas“ d.o.o. Sarajevo za 2014. godinu

Na osnovu člana 42. Statuta Privrednog društva za proizvodnju i transport gasa “BH-Gas” d.o.o.Sarajevo, predviđeno je da Skupština podnosi Parlamentu Federacije Bosne i Hercegovine svoj godišnji Izvještaj.

Predstavnički dom Parlamenta Federacije obavijestio je Dom naroda Parlamenta Federacije da je u nastavku Treće sjednice 28.10.2015. godine razmatrao i prihvatio Izvještaj o radu i poslovanju „BH Gas“ d.o.o. Sarajevo za 2014. godinu.

Izvještaj su razmatrala nadležna radna tijela, koja su dostavila svoje izvještaje.

Izvještaj je obrazložio Mirza Sendijarević, direktor BH Gasa d.o.o.

U raspravi je učestvovao Jasenko Tufekčić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 32 glasa za, jednim protiv i dva suzdržana, usvojio sljedeći

ZAKLJUČAK

Dom naroda Parlamenta Federacije Bosne i Hercegovine **prihvata** Izvještaj o radu i poslovanju Javnog preduzeća „BH Gas“ d.o.o Sarajevo za 2014. godinu.

19. Izvještaj o radu Federalnog pravobranilaštva za 2014. godinu

Izvještaj o radu dostavljen je iz Federalnog pravobranilaštva.

Predstavnički dom Parlamenta Federacije obavijestio je Dom naroda Parlamenta Federacije da na Četvrtoj sjednici 17.11.2015. godine nije prihvatio ovaj Izvještaj.

Izvještaj su razmatrala nadležna radna tijela, koja su dostavila svoje izvještaje.

U raspravi su učestvovali: Mustafa Kurtović, Tomislav Martinović, Mirvet Beganović, Željko Mirković, Jasenko Tufekčić, Lidija Bradara i Inda Ažman, federalna pravobraniteljica.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH **nije prihvatio** Izvještaj o radu Federalnog pravobranilaštva za 2014. godinu, budući da su za glasala 23 delegata, 13 je bilo suzdržano, a dva protiv.

Sjednica je završena u 15 sati i pet minuta.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆA

Lidija Bradara